

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 07

July, 2016



Editor: Rev. Tualzachin

Synod Office Telephone No. (03874) 235105

Khristian Tangkou

Vol. No. 52 || Issue No. 7 || July, 2016

Editorial Board

Editor : Rev. Tualzachin - 9862829526
Joint Editor : Rev. Stephen Chinzathang
- 9863042789
ct_stephen@yahoo.com
Cir. Manager : Upa Jamsianmung - 9862086615
sianmung@rediffmail.com
Bus. Manager : Kamgenpau - 8974612937
Sye T. Ginzahau - 8974438842
Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Khupkhansuan
- **Moderator Elect:**
Rev. Mangsuanthang
- **Secretary (Sr):**
Upa T. C. Pau
- **Secretary (Jr):**
Upa Sianzahau
- **Treasurer:**
Upa T. Lamkothawng
- **Statistician:**
Upa Kapkhanthang
- **Executive Secretaries:**
Rev. Tualzachin
Rev. Stephen Chinzathang

A sung thu

- Editorial..... 01
- Thu tuomtuom 03
- Reports 06
- Pasion toh zawhkhawm 07
- Van a hausatna 11
- Pasion bieh kikhopna a thei ding.. 14
- Theipi kung leh gingtu17
- Klpah thu genna 21
- ZPWF Culumn 22

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Published by: The Zou Presbyterian Church Synod, Zomi Colony, Churachandpur, Manipur-795128

Editorial

Pasian hoina leh mapuina tang tou zel in tu July haa tan a Pasian nna isepna te chimtah hetlou a tahsa damtheina toh hing mapuitu Mangpa min loupi iphat masa uhi. Tualeh Hattuum china Sawm-a-khat leh silpieh dangdangte a Pasian satan ahiban ah sisan man ahi chi kithei kawma gim leh tawl, ban ah khosa ul pot zena kiphal taha pangte kung ah kipah thu igen uhi. Tuha ithupi ding a ka hing teel ahileh “Pasian vanzah manpha” II Timothy 2:20-21. Innsung thupi khat ah belkuong nam tuomtuom aum khawm a; pawlkhat dangka eng, pawlkhat van leengsia toh kibawl, pawlkhat sing toh kibawl, pawlkhat tungman tualou ah pawlkhat pawl bawl chienga ki zang, tualeh pawlkhat zah dan tangpi a kijang aumkia leuleu hi. 2:21. Tuamabang in mi khat pou sil hoiloute laha aki kepching thei leh zahdan poimaw tah a kizang ding ahi. Aziehpén a pupa khuta aki pumpieh leh vanzah phatuomtah ahiman in silhoi chinteng a kijang dingin kimansa’n aum zing hi.

(1) Khotaang ah:

Khotaang ah en masa lei pawl bawl hun, nop bawl hun khotaang leh ikhosahna ah a louthei lou in ana um zel hi. Khum hun chiengin vanzah a poimaw dan hing kilang thei Van leengbel zahna ding mun um a, kuong (plate) zahna ding mun umzel hi. Tuamai hilou in neh leh dawn saipawl um a, Programme a kizang ding pawl um a, seat arrangement bawl ding pawl umzel hi. Khumteng in amawpuohnate uh ang suhbuchin chiengun phatuomtah leh vanzah manpha suoh zel uhi. Tamnah igen nuompen in Vanleeng bel zahna ding mun ah kuong akizang theisih a, touna hawmpa saat in avapang thei sih a, puitu dingpa usher ava hithei sih. Ann

lam sai dingpa singpi saitua va hithei tuon sih hi. Tam banga imawpuohna uh nam tuomte ing suhpichin chiengun mi phatuom leh vanzah manpha khotaang adin ing suoh ding uhi.

- (2) **Hagau lam ah:** I pawlpi kipuihuoidan enkia talei Local chin leh Hattuum chin ah kizahdan poimaw tuomtuom ana um hi. Khum mabang in ama Hattuumte lampei in kalsuon zel uhi chi thei vai.
- (i) **LCC:** Local Church Committee ichi chieng un Hattuum adin vaihawmna sangpen ahiban uah thuneina sangpen zong ahi. Ama uh ten Vaihawm na nnasep ah mawpuohna lienpi zong nei uhi. Kumkhat sunga Hattuumte lampei/ kalsuon dingdan te ama uh nuoi a branches te nasepna (Assignment) a bawlpieh zel uhi.
- (ii) **PWF:** Presbyterian Women Fellowship numeite ki loikhawmna ahi “Women” ichi chieng un eiten “Nupite” chidanin ilakha zel ua poi mama hi. I gen nuompen Numeite china hizaw hi. Tami thei siemlou na zieha alawsam tampi um hi. I khawmpite bang numei teng huomsah in khawmpite chieng a lapawl puitu ding inungahte Solfa training pie in numei ma lapuitu in zang thei talei hoiva. LCC te etkawlina nuoi a um ihi lam kithei in amauh ngaidan la in Joint meeting neikhawm zel lei ki gammang lou ding hi.
- (iii) **PYF:** Presbyterian Youth Fellowship ichi chieng Numei zong, Pasal zong khenlou a i pan theina uh ahi. Amauh mawpuohna, sepding, bawlding, sahding aum leh imawpuohna uh ahi. Lapawl sah hun chau a Pasian leh i Hattuum in hing tulmaw hilou in Pasian biehnah kikhop ah zong atungbaipen hisawm vai. Pasian biehnah pen Regular apoimaw pen ahi. Tualeh LCC te nuoi a bameng khat ichi chi manghil sih va ui.

Bangteng hileh itunga vaihawm LCC te zahna pekawm in Joint meeting neikhawm zel vaui. Khum banga LCC, PWF leh PYF ten imawpuohte uh ing suhdih thei leh Hattuumte vanzah manpha mai hilou in Pasian vanzah manpha zong ing hiding uhi. I lasiemnate bangma hituonlou in ahuntah lamkaite, Upate, Pastor muphah leh zahphah dinga um a poimaw mama hi. Mi koizong Pasian vanzah manpha hisawm chiet dingin Mangpa'n ihinna uah thugen in hing siemtha taken, Amen.

.....

THU TUOMTUOM

leh

THUMPI DINGTE



01. Pasian hoina leh mapuina zal in ipawlpi sung a Hattuum china Ordain Upa ana hisate lah a lim (Photo Pasport Size) Bio-data leh akizahna tangpita a tomkim a agelthaw a, ZPCS Head Office a Head Clerk pa kungah akinthei lam a hing submit dingin iki ngen in iki theisah uhi. Akhente kimtaha aum lai in, akhente Bio-data um in alim umlou chibang ahi. Ngaiven kin poimaw mama ding hi. Aziehpen thei khollou a nopni, dani chieng a poimaw mama ding hi.

02. I pawlpi sunga Khristian Tangkou toh kisai a a pichin zawna ding deina toh i pawlpi sunga Pastoral Ministry a ana sem lel degree or tittle neisa te deisahna masa leh lametna masa pieh ahi ua, ki sit het loua panla chiet dingin thum kawm kawm in iki ngen uhi. I theinate hei a buohkhiet sawm ihia...? Hinanleh zong a dangten piehthei lou i china hi tuonlou hi. Tulai article atamthei man in ang pemasa suo masat chidan ahi ang suoh vaigei khah leh ana theisiem maivai. Tualeh Pastor biel china Hattuum enkawltuten zong Patron member, Life member leh Memorial Gift a pang dingin chielna leh chouna bawi va ui. I biel sunga buh leh baal, Ganvulna lam a mi lawchingte, sepna (Kham) muthate leh asepnua pata Promotion muthate ban ah a hawlaw masapen Pasian adia pie a laankhe ngamte kithei nuom in ki thumpi ut zing ahi.
03. **Tentative Finance Tour 2016 (1st Round):** Pasian mapuina muongkawm in 3rd Synod Finance Committee thuphasah umsa bang in ZPCS huong sunga Head Office a sum sunna lama tunitan a duthusam bangloute 12th June- 3rd July 2016 sung dai dingin 1st Round tour hingpei ding ahi ua, a tot khahna Hattuum ten ana vaidawn a tahsa hagau a, ana kithuopi dingin iki ngen uhi.
04. **Patron member tha:** Pasian in hing mapui touzel in I Khristian Tangkou phungvuotu dingin Upa Th. Kaikholam Central Church Pasian nna sepna pipen bang a ngai in hing kibelp zel hi. Mangpa'n thupina tang taken!
05. **NEICC Khawmpi Report 2016:** Pasian hoina leh mapuina toh dated 19th-22nd May 2016 sung tan Serkawm Baptist of Mizoram lunglei ah the 2nd Biennial (77) Session 2016 nuomtah leh loh tahin kijang zouta, khawmpi thupi: "Christian Presence in the world" chi ahi. Synod theipi na

toh Rev. Stephen Chinzathang zong vatel in maban ah zong NEICC huop in Vice Presiden tan ah zong dinmun poimaw tah tan hamphatna zong vatang hi. Kipahthu gen kawm in amaban thumpieh vaui.

06. Gammiel nnasepna dinga kipetha: FMPB tungtawna Missionary nasem dinga ahinna uh laankhe ngamte leh kipekhe ngamte thumna toh banghun ah zong bawzui sawm chiet vaui:

- i) Tv. Letminthang, Moreh
- ii) Tv. Siehkhothang, Aina
- iii) Tv. Thanglal, Tuibuang
- iv) Nh. Nemzavah, Sabual

07. Khristian Tangkou a Subscriber list neithei nailou ten ZPCS Head Office ah akintheilam in hing submit chiet ta un. Amauhte (i) Buangmun, (ii) Buangmun Lamkhai (iii) M. Khawlmuel (iv) Khuoinuoi leh Emanuel Church te ahi. kin meng in

08. Synod Year Planner umsa bang in Local china Hattuumte ni poimaw **Haitha latna** - July 31, 2016 (Pasianni) Hattuum china kipahtah leh lim taha zang chiet dingin deisahna sangpen ka hing laan uhi.

09. Congratulation: NEHU ah B. Sc topper in pang: Pasion mapuina tang tou zel in apeisa June 15 ni a Local paper a imu bangun North East Hill University (Nehu) nuoi a B. Sc. (Enviromental Science) Honour Result suoh ah Tv. Khaiminlun (a) Kenny Minlun s/o Rev. Hangpi Manlun of Bible Hill Rengkai topper in pang a 75.75% tungpha hi. I lungdampi ban ah maban ah tusang aguoltungtuonna sangzawsem tang dingin ithumna uh ahi.

- 10. VBS kizang lel:** Summer Vocation Holiday ahinatoh kisai in veng chin ah Vocational Bible School (VBS) June haa sung dai dingin kizang lellel hi. Eima lemtanna zil in lel sawm chiet vaui. Thumna toh bawzui chiet va ui. Ama thumsahtute kung ah kipah thu gen kawm in amaban hunte ah mittui tamzaw seng in ana thum zing va ui.
- 11. IRS satan pieh in um:** Hun sawtpi Pasion kunga mittui luongpuma ina thum uh Pasion in hing dawngin Local paper a imu bang un Mr. M. Thangsuansang in IRS satan pieh in um hi. I lungdampi mama uhi. Amaban hun hing pei tou zel ding ah Mangpa'n tusanga guoltungtuonna sang zawsem toh mapui taken.
-

Reports

ANNGAL THUMKHAWMNA 2016

Dated 11-12, June 2016 (Kiginni leh Pasianni) Suongkuong Presbyterian Church ah Singngat District PWF ten Annngawl thumkhawmna lawching tah in akizang zouta hi. P/P Ginlianmang leh Rev. Mangmuanthang te'n Pasion thutah genna nei uhi.

Reportd by:

Secretary Singngat District (ZTP)

KNP KHAWMPI REPORT 2016

Dated 24-26, June 2016 sung in KNP Singngat District Singngat Presbyterian Church ah KNP Khawmpi akinei a, khawmpi thupi dingin, "Jesun Naupangte a it hi". chi ahia, Biel Pastorte leh Sangsye ten Pasion thu genna nei uhi.

Reported by:

Secretary Singngat District (ZTP)

Sermon

PASIAN TOH ZAWHKHAWM

(Mk. 16:12-13; Lk. 24:13-35)

*L*ai Siengthou ah Pasian toh zawhkhawm tamtah umte lah ah Palm Sunday, Good Friday leh Easter Sunday zang zou ihi toh kituoh in Emmau khuo zuon a pei mi nite Mangpa Jesu toh a zawhkhawm thu uh i houlim ding uhi.

Ei Presbyterian Church of India thugin khu Pasian a mi thum, Pa leh Tapa leh Hagau Siengthou (Trinity) ahia, amauteng khu mi thum hinapi in mi khat ahi veve ua, tam khu sakhuo dang zuiten a theisiem theilou uh ahia, Pasian a hinna nei Jesu Khrist gingtute bou in i theisiem thei uh ahi.

Pasian khu thuhun lui lai in Pa Pasian in a kithei a, Thuhun tha hing kipat AD bul lam in Tapa a hing kilang in i Mangpa Jesu shi zou in Hagau Siengthou a hing kilang in ahing umpi zing hi. Thuhun lui lai in Tapa leh Hagau Siengthou toh Pasian in Jawlneite zang in gen nanleh ana theisiem theisih ua, atah a mu thei zong ahi naisih hi. Thuhun lui hing bei in Jawlneite genlawh bang in ahing tangtung tou a, Jesu Khrist hing pieng in ahing shi a, tuachiin thoukia in van a lahtou in a um a, tua zou in Ahing thuchiem

dungzui in hagau Siengthou ahing sawl hi. Tuachiin eite khelna a shisate hing tankhie in kumtawn hundamna ahing pie a, Pasian a mi thumte khu thuhun tha ah hing kilang in ahing bukimta hi.

1. Emmau khuo:

Emmau khuo khu Jerusalem khopi apat mallam a um mel 20 vel a gamla ahia, Jaffa khuo toh kiikal a um ahi.

Emmau chi umzie khu Greek ham ahia, tuilum pawtna tuisam china ahia, tam mun ah tuisam khat a um a, tua khu tahsa damlouten damna a ngana mun uh ana hi hi. Tuazieh in tam tuisam mun khu mi tamtahte kinepna leh damna mun uh ahi. Tam bang in nuajui mi niten zong tam Emmau khuo ah

hagau damsiengna ana mu uhi.

2. Emmau khuo zuon mi nite:

I Mangpa Jesu Khrist khantan hoi gieltu Dr. Luk in tam thu kimtah in ahing na gelsah a, tam Emmau khuo zuon a peite khu Kleopa leh a lawipa ahi uhi. Amaute khu amin uh nuajui dangte bang in Jesu nuajuite lah ah simkhah hisih nan uleh Jesu gingta a, anua zuitute ahi uhi.

Jesu han apat a thawkia zou in a nuajuite kung ah a kihil a, a gensa ma bang a thoukia ahi dan chientah in ahil hi. Tam Jesu thawkia ni mama a nitah lan a Jerusalem leh Emmau khuo kikaal a sil tung ahia, Jerusalem apat Emmau khuo zuon in Kleopa leh a lawipan lungkham meltah leh daa mel tah in lam a zawt ua, Jesun amau toh zawhkhawm ding in ava nai a “Na pei kawm ua bang thu houlim a, tambang a daamel puo na hi uoi?” chiin adong hi. Tam khuolzin mi niten Jesu ahilam theilou in Jesu

Kross a kilbeh ahi thu leh aluong kiphumna mun ah a um nawnlou thu gen in Kleopa in, “Tulai a sil umdan theilou, Jerusalem ah nang maimai mikhuol na hieimah?” achi hi. Jesun amaute kung ah “Bang sil umdan la?” chiin theilou bang in a dong kia a, Kleopa leh a lawipan Jesu shi dante, Jesu hina leh silbawlthei dante, Siempuliente leh Vaihawmten shi ding a, a mawpai thu uh leh Kross a kilbeh ahi dan, ashi dan thute gen in a thoukia a, nuajuite kung ah zong a kihil chiin a gen ua, a thawkia dan gen nan uleh a lungtang sung uah theichienna tahtah a um lou zieh in a da mama mai ua, a lungsim uh hawm in a thawmhau mama mai uhi.

A lungkham seng zieh un Jesun a damlai a, a thugente zong za napi in a manghil ua, thei zoulou in a um uhi. Lungkham leh danate in i mit mielsah in i lung a zingsah leng hi. Tuachi hun lai in Jesun Ama tungtang thu Mosi leh guolneiten

ana genlawhte uh, Khrist in a thuoh ding a, shi ding mawng ahidante leh kaithaw a um a, thupina a tan ding thute hilchien in Lai Siengthou sung a kigenlawhte thu a hilchien chieng in a sung uah mei kuong bang in a kuong a, hinanleh a theisiem nai sih uhi.

Jesu toh zawhkhawm ahi vang un bangma a theisih ua, ahin, a lungkhamnate uh kiem in nuom asa mama ua, Jesu toh zawh a Pasian thute a kikup lai un a lungkhamnate uh a manghil uhi. Tambang a houlim kawm a, ahing pei uleh a theilou kaal un a zotna mun uh Emmau khuo ahing tungta uhi. Jesu khu gamlapi a peisuoh ding bang in a kigen a, amauten Jesu ahi theisih nan uleh a ngaina mama ua, akung ua um a taam phot ding in a hou uhi. Tuachiin, “Ni lah tum ding hita, khuo hing miel ding ahita a, kou toh taam in giehkhawm vai” chiin ahou uhi. Tambang a Jesu ahou chieng un Jesu

zong amau toh giehkhawm ding in a lutta hi. A giehna ding uh Emmau khuo ah nitah ann nekhawm ding in atouta uhi. I Mangpa Jesun tanghou ala a, phalsuo in a guolzawl a, tuachia tanghou aneh lai un amit uh hing vaah in Jesu ahi lam ahing thei ua, hinanleh tam hun laitah in Jesu khu amaute mitmu apat a mangta hi. Amau tegel kihou in “Lampi a ahing houpi a, Lai Siengthou thute ahing hil lai in i sung ah meikuong abang hilou i?” chiin a kihou ua, tuachiin a giehna ding uh Emmau khuo ah zong gieh talou in Jerusalem lam ah kile kia in nuajuite kung ah a sil tuohte uh gen in “I Mangpa a thoukia tahtah ahi. Simon kung ah zong a kilah ta hi” achi uhi.

3. Eite kung ah:

Tam Emmau khuo zuon a pei mi nite kung bang in tuni tan in i Mangpa Jesu khu eite toh zawhkhawm ut in ahing chiel zing a, i lungkhamna-danate hing henem nuom in “Bang thu atai na buoipi” ahing chi hi.

I Mangpan i buoinate hing suhveng pieh ut in ahing dong zing a, eite a ding a hing shi in thoukia nanleh eiten ama chielna i nahsah lou uleh ama thu in ahing kilai tahla theisih hi.

Jesu Khrist zieh in Ama phatna lasah nuom isa un, phatna Lapawl te bang i ngai nuom mama maithei uhi. Hinanleh ama i saanlou zieh un eima tang a i um chieng uleh solna i tuoh chieng un i dou zou sih uhi. Tuazieh in Biehin sung i tun chieng un ahing a vangam kai thei ding khop in ihoi ua, hinanleh kholai ah Jesu toh i zawhkhawm lou zieh un gitlouna lungsim toh i pumdim uhi. Emmau khuo zuon a pei Kleopa leh a lawipa bang in i kung ua Jesun ahing nai zing lai in ama chielna pom in zawhkhawm in taamkhawm

in, annekhawm lei i mit ahing suhvahsah ding a, heisung mun ah zong ama deilam bawl in i lungnuom thei tading uhi. I Lungkham mangbat ni in Jesu thugente ngaituo zel henlen hilei i lung a hing kihong ding a hamuonna i nei thei ding uhi.

Mangpan zawhkhawm ding in ahing chiel zing a, thuhun lui ah Mosi leh jawlneite Pasian toh a zawhkhawm ua, i Mangpa Jesu lei a ahing len lai in anuajuite ama toh zawhkhawm ahi bang un tu Hagau Siengthou hun ah Hagau Siengthou toh zawhkhawm henlen hilei i damsung nite ama dei dan bang a gamta in i Gam sung, i Nam sung, i Hattuum, i Innsung leh i mimal hinkhuo a dam ding a nuomsatah in tam leitung ah i khosa thei ding uhi.

VANA HAUSATNA

Text: Mat. 6:19-21, Luke 12:33-34, 6:19

Lei a Gou khol sih un. Ngetin ne van, Sameh kaivan, gutaten bulu vaun gumang tava uh 6:21. Na gou kholna mun uah na lungsim uh um lien hi. Tam nah enlei Gou (Property) ichi chieng nam tampi um thei hi envai.

1. Leigou:

Amasa'n leigou in bangteng ahuom e chi en masa vai. Leitung khosahna ding ateng mihingte ading in Gou nempu um hi.

- (a) Inn leh lou
- (b) Bu leh baal
- (c) Sum leh pai
- (d) Um leh beel chite leh adang dang tampi um hi. Tam igou kholte in i mihing lungsimte sunuom in sulungkim mama hi. Tualeh tanglai a ipu ipaten Zou Thau (Gun) banggou thupipen bangin ana ngaisun uhi. Hinanleh Khangte hing kikhel zel in tulai a miten atung a igente chau gou chi non lou in Bank a sum tampipi koi

a inn Building sawng sang tahtah lam khie a, phot mun lienpi pi leikhiet ding leh maban khangsonte khuolna toh ita, inaute lai siemsah ding chite bang ahi tahi. Thupil khat in "laisiem khu hausatna ahi" ana chi hil hiel hi. Khumi toh kiton in igam a mi hausa inn thupi leh etlawm tahtah imute pen laisiem Officerte apat a ana kilamkhiete bang ana hi deu hi. Tua tham lou in Bank mun tuomtuom a sum tampi koileh kemte bang ana hi uhi.

2. Vangou:

Vangou ichi chiengin zong nam tuomtuom tampi um thei veve hi.

Amaute:

- (a) Pasian guolzawl na gil a ga goutan itan itate Pasian thu leh laa a puihuoi a khankhietsah ding khu Van a gou masa ahi. Pasian in Goutan tanu, tapa ang piehte ang khankhiet dungzui ua Sunday School a Pasian thu zilna a puihuoi a kep pichin pen ei a nu, apate mawpuohna ahi. Tuamai hilou a ahundama lampi tan uh kohmu ahoi hi. Khumbang a ing bawl leh Van gam a Gou kholte hiding ihi uhi. Mi khenkhat ten atate laisiemna dinga kum khat a singni, singthum bang seng a a chomlai un. Hundamna lamdih kohmu na dingin zakhat sen zong hamsa sa nalai chibang a umthei ahiman in ei nu leh pate kingaituo hun tahi.
- (b) Luke 12:33. Na neisa zousie zuoh unlen, migenthei khu na sum uh pie un. Sumip

setheilou kinei un len Vangam ah Gou kikhol un. Tam nah agennuom tampi um hi. Migenthei, mizawng leh chimawte i panpi tam pou leh Vangam a gou khol china ahi. Tualeh Nu leh Pa neilou (orphans) te panpina pen zong poimaw ahi. nang leh ken ineisate zuoh zen in chimaw, gentheite i panpi kha tai...?

- (c) Mat. 25:35-36. I Mangpa Jesu ngei in kagil akiel in neh ding nei pie ua, zin khahi in na inn uah nei tungsah ua, guohtanga ka um in puon nei se ua, kachi a nat in nei veh ua, Thong ka kieh innei enkhie uhi. Khumbanga migenthei chimawte tung Nahoi/Silpha ing bawl thei chieng un Van a hausatna Goukholte ing hi ding uhi.
- (d) Silpieh phalna: II Korinth 8:3 ah patepna huoisetah a thuoh muolsuoh ta ua, hinanleh zong a lungdamna uh lien

taseng in silpieh lam ah
akiphal mama uhi. Bang
dinga silpieh peding
idiei....? Pasionin atapa
tang neisun mikhiel
shidingte tankhe
ding hing pie ahi chi
theikawm a, silpieh
phalna toh kilam tha
vau. Mi khen khat ten
Jesu hing piensan a thei
chien lou ziehun silpieh
phalna neilou uhi.
Pasion nna sepna toh
silpieh nam tuomtuom
aum a envai: (i) Sawm-a-
khat (ii) Ginna thuchiem
(iii) Mission Fund (iv)
Anntang ham leh (v)
Building Fund etc.

Tam atung a item te
ginumtaha ipieh a isuhdiu zou
leh Vangam a Gou kholte ihi
ding ui.

Thuzawna:

I thumasa a lei Gou ichi inn leh
lou, Bu leh Baal, Sum leh pai um
leh beel leh adangdang tampi
igente Pasion in Gou achi siha,

Bang ziehin....? Tamte khovel
a loupina toh mangkhawm
dingte ahi ziehin. Hinanleh
Pasionin Van a hausatna (Gou)
achite pen

- (a) I tate hundamna huong
a pui lut ding
- (b) Migenthei liengvaite iit a
panpi ding
- (c) Damlou te ittah a veh
ding
- (d) Zin bawldan siem ding
- (e) Nu leh pa neilou tagate
panpi ding
- (f) Votsate puonlum se ding
- (g) I neisate zuohngam a
migenthei panpi ding
- (h) Silpieh phalna hinkhuo
nei ding
- (i) Gilkiel dangtahte ann leh
tui pieh ding (II Korinth
8:3, Mat. 25: 36-36)

Tami Sermon tungtawn
a i theite atheithaw mai
hilou a azuitu hiding in
Mangpa'n a thu ihinna
chiet uah hing guolzawl
tachen....!

PASIAN BIEH KIKHOPNA A THEIDIA POIMAW

- Upa Khamzathang
Presbyterian Church, Tuibuang

Amasa'n tam tan chienga ma hingpui a damna hinna eipie I
Mangpa Pasian kungah thupinate zousie ipemasa uhi.

Pasian inn a na haw chieng in pilvangtahin na kalsuon in silbawlkhiel
ahilam uh kitheilou mimawte kithoina bang kithoina lat bangin
thungaikhe dingin kuon zaw in (Eccl. 5:1).

I bieh Pasian khu Pasian hing
leh silbawlthei ahi, i umna zousie
theipa Pasian zong ahia thamlou
in i ngaituonate zousie zong a
thei hi. (Ps. 139:-4). Tuamabang
in isep bang zel a thaman zong
hingpe ding ahi. Tuaziehin Pasian
be dinga ikuon chieng uleh ama
biehinnpi sung i um chieng ua thei
dinga tamlou ana en va ui.

I) Kikhop hun: Biehinn kai
ding ihileh kikhop hun
itheisa ahia, vaigei teitei
lou ding ahi ahuntah in tun
som chiet va ui. Hunpat nua
a lut pen zumhuoi sah dan
thei chiet va ui Guta banga
thumna nei kala lutlou ahoi
hi.

II) Touna mun Biehinn: I
tunbai dungzui in lut bai in
itouna dia kilawm ah tou
ngal vai innmai a kilawmlou
tah a zatep Khaini, Tuibuh
muom tadi leh houlim
thuduh dah lou gengen chite

topsan vaui, miten hing
chiemte ding uhi. Amasang
lam a ongnapi in anualam
ah tou teitei sih vaui i Pasian
mitlouna kilang taloseng hi.

III) Khuongpu: Khuongpu ding
ihileh kikhop sunga sah
ding la 3/4 vel teelsa a koi
gige ding ahi sahbei teitei
ding china ahisih midang
atel utte zong ot-bawl zel
ahoi hi. Laa ipat siemloute
zumlou kei a apanteite
patsah mai ding ahi. Mipiten
zong eima deidan hilou in a
khuong gindan toh kituoh a
sah gang/kai ding ahi Lasah
nop in biehnua anopsah hi
lasah siemlou ihileh mimal
a labu ikinei ahoi hi. Sa thei
napi sip dedu a um mailou
ding ahi.

IV) Lachang sep: Khuongpu
siem apoimaw bangin latang
sep siem zong apoimaw hi.
La key asan dungzui a i aw

sansah a atengte kichientah a losieng setset ding ahi. La kisa siem senglou (not so familiar) te khu athunon zong se (zawt) zel ahoi ding hi. Pasian phatna ahia kisitlou leh zumloutah a bol ding ahi.

V) Kikhopna puitu: Biehna hunsunga puitu ahizieh in athuneipenchitheiahi. Puitu asiem leh kikhop anopsah hi. I ut leh ithei ideidan teng genna a hun sotpi zahlou ding ahi. Mipi tun masang a tun a, vaiguon bangkim ana guottuoh masah ahoi hi. Ham kamteng zah dan pilvang angai hi. Etsahnan tuohkhom donna din Hunpi hatna din ahiei topna din la khat savai chite sang in Pasien phatna din chi zawh ding ahi. Tualeh hunpi thugenpa khu apoimaw pen a thupen ipeisan pen na chituom lou ding ahi. Biehinna hun sung akibawl zousie khu thugen lasah thumna hinanleh Pasien phatna leh pahtoina ngen ahia, apoimaw chiet leh akibangahihi. Kikhopsunga hun zang ding vaiguon aumloute tuohkhom landing guolzawlnei nei ding leh adangdang iguon tomte khu akigin manna ding ua

theisah phuonlawh masah ahoi hi.

VI) Pantu: Pantu khu eite zahdan in vaiguon zousie Pasien kunga lankhetu ahi. Nan leh Pasien biehnna pen hun pantu zouchia kipan hipan lou in ilut zou mimal ikilat zou a kipan ahita hi. Pantu in thu gentamlou a Laisiengthou ideina mun 1/2 sim a thumna nei mai ahoi hi.

VII) Thupuonna: Puon ding zousie (ahitheie liei teng) Local Secretary kunga pieh ahoi hi. Department tuomtuom ten zong akhoh vot aumleh eima department a Secretary te kunga pieh a mikhat in phuon khom a kilawm a lung kituohna asulang hi. Tualeh Secretary ten zong ipuon dingte athu poimaw teng ana theichien masa a tomkim a mipite chiente thei chiet dia phuon ding ahi.

VIII) Tuohkhawm dolte: Tuohkhawm dong nahileh pulpit a toute leh puitute mangngil lou din pilvang in mangngil khah abailam mama hi. Kitaidem banga kino hehu ding ahisih

idonzou masah leh iloite
ngah bawl ahiei donpi ding
ahi. Ahitheileh akilat zou
mateng pulpit mai ah din/
ngah den lei ahoi ding hi.

X) Thugentu: Thugentu
(Hunpi) in ihuntan pen
zah teitei sawm ding ahi.
Aloutheilou sil aum a
zang theilou ding ihi vot
leh ahun tun masang a mi
kisah manna dia midang
piehsawn ding ahi. Eima
mitmaw zieh a mi khat
Biehinna sung a lungsimbuoi
vengvung a koilou ahoi hi.
Pulpit tunga kisuonla thu
gensese apoimaw sih hi. I
theina banga ki singsah mai

ding ahi. Tualeh thumapui
tam gentahluot angai sih
hi. Mimal lung awimawnate
genlou ding ahi. Mun
siengthou pen a um chilam
kithei zing lei ahoi ding hi.
Tualeh inei dandan a kichei
ahoi hi.

XI) Mipite: Kihoulim dinga
kuon ihisih ua, Biehna toh
kisai a aloutheilou gen ding
ahiei kidoh ding aumlou leh
houlim bawllou ding ahi.
Biehinna sunga migensiet
minuisat chite chinlou ahoi
hi.

Simtute zousie Mangpa'n
zuithei chiet dingin guol
hing zawl taken, Amen.

KIPAH THUGENNA

Kou Moreh Ward No.2 ten apeisa dated 11/7/2016 tan Local Crusade kanei
ua, tuanah;

Sepaker : Rev. Mangsuonthang, Gunpang Biel Pastor

Thupi : Thutah nang thei ding ua, tua thutah in ang suotasah ding hi.
(Joh. 8:32).

Tualeh ninga sung ka zang ua, hagau leh tahsa ah ka lawhpi/phattuompiah
mama uhi. Khenkhat pientahna leh buoina suhveng pieh in ka um uhi. Tam
khu i Pasian hagau siengthou na toh na loupi tah ka mu uhi. Koipou in tam
thu simkhah a aum chieng a Local te a dingin kipah thu leh thumna a hing
del zui dingin Pasian min in kang ngen uhi.

Mangpa'n hing guolzawl zel ta hen.

- Report petu
Upa Suankhanthang
Secretary , Moreh (MGP)

THEIPI KUNG LEH GINGTU HINKHUO

Text: Siempudan 26: 9

- Pa Stephen Khupsianlal, BD

Thupatna:

Amasapen in simtu deitah zousie Mangpa Jesu min in chibai kahing bawl masa hi. I Lai-siengthou changteel pansan khu Israelmite ading mai hilou in eite'n zong tuhun a itheizing ua ihinpi zingding un apoimaw mama hi. Siempudan sung akhun Mangpa'n Siempute'n Pasian abieh chieng ua, azuiding uh dan ana piehte kimtah in kigiel hi. Bung 1-24 sung a thuhilna umte khu Mangpa'n Kimutuona Puon-Inn/Tent of Meeting apat Mosi kung leh achang chieng a Mosi leh Aaron kunga Ana thuhilte ahi uhi. Tualeh Bung 25 apat in Mangpa'n Mosi khu Sinai Tang ah Ana houpi a, Bung 26: 9 na thute zong Sinai Tanga Mangpa thuhilnate lah ah pang hi. Tam danthupiehte khu Israelmite'n Pasian Biehu abawlzou uh/atunding zou uh (Pawtdohna/Exodus 40: 17) leh Sinai Tang anuasie masang deu ua Mangpa'n ana piehte ahi hi (Kisimnabu/Leviticus 10: 11).

Siempudan sung a danthupieh zuidinga Mangpa'n Apiehte khu Israelmite zuiding a anakipemasa hinanleh, tuhun ah ei gingtu zousiete context ah Mangpa'n ahingpieh khu ahi hi.

Siempudan 26: 1-13 sunga khun Israelmite'n Mangpa danthupiehte hoitah a azui ua ahileh Pasian guolzawlina tangding leh gahoi/gapha suongding ahidan uh agen a, 26: 14-39 sunga khun Pasian thupieh azuilou u'leh gawtna nasatah atung ua tungding ahidan zong kichientah in gen hi. Tam thupiehte tungtawn a athuman leh manlou uh dungzui a siltungdingte khu Israel nam buppi adinga pieh/

gen ana hibang in gingtu nang leh kei kung a zong Pasian thupieh ahi veve hi.

Israelte'n Pasian thu hoitah a azui ua, aman u'leh guolzawlina tangding ahidan ukhu Mangpa'n sildang toh Ana gente lou in Theikung Hoi banga 'Ga tampi suongding'/'To bear many fruits' ahidan uh gen hi. Thuhun Lui/OT hi in Thuhun Tha/NT ah hitaleh Israelmite teenna gam uah theipi kung/fig tree khu 48vei genkhah/minphah in ana um hi. Theikung Hoi te banga Hagau lam sil leh Pasian deina banga gingtu gasuo hinkhuo hoitah izahthei nading un Gingtute hinkhuo khu Theipi

Kung toh gente leh pansan a nei in Pasian Thu ngaikhie u'lei deihuoi isa hi.

1.Theipi kungte khu tahsa khuna/coverings leh hiim/shades bangin ana kizang hi: Theipi na/leaves te khu mihing khelna phuolna'n tanglai a ipi leh pu masate'n akhelna uh phuolna'n ana zang uh ahidan Genesis 3: 7 in gen hi, "Tuachi'n ani un amit uh ahing vahta a, guohtang ahi uh ahing kithei khe ta uhi. Tuachi'n theipi na akhuikhawm ua puonsil in anei ta uhi." Inu leh pa masate'n tam theipi na khu zah manphatah in ana zang uhi. Mangpa Jesu'n Nathanael kunga, "Theipi phung nuoi a na umlai in kahing muta hi," achi lain Nathanael khu lamdangsahna'n kidim a, Mang Jesu thugen dawngthei lou khop a umin Pasian Tapa ngel, michin in sil adapbawl zousie uh theisiemtu ahidan thei in atawisang zaw hi. Pasian in bangkim Athei a, koiman bangma phuoldap ahiei aguh a silbawlthei kiumlou ihidan itheichiet uhi. Mangpa Pasian in langtangtah/directly ahisihleh midangte tungtawn ah silhoilou idapbawlte hing theisah zel zaw hi. Theipi kung hiin sildangte khu ahamthei hi u'leh thukhenni chiengin eite kungah, "Koute'n nakhelna uh kahingna phuolsah

thei ua, nanleh tu'n vang Mangpa masang ah bangma phuoldapthei a umsih hi," achi ngei ding uhi. Tuabang sil khu Nathanael in ana bawl a, inu leh pa masate'n zong ana bawl uhi. Eite zong Pasian deilou lam a hinkhuo zang leh sildihlou guhbawl ahikha uoi? kingaituo u'lei deihuoi isa mama hi. Tuabang silhoilou bawl na/theipi kung nuoi apat pawtkhie in iMangpa Jesu Khrist tungtawn a hing chieltu iPasian kunglam zuon in Angaidamna tangtute hizaw va ui.

2.Theipi Kung khu Damna dingin ana kizang zel hi: Laihengthou mun tuomtuom te akhun theipi ga tungtawn a damna nga um ahidan kigen hi. 2 Leengte 20 akhun Hezekiah khu shiding khop a china/damlou in ana um a, tuachi'n Isai in athuhil bang in Hezekiah khu Mangpa kungah hasetah a kapkawm in thungetna nei hi. Chang 7 akhun Isai in, "Theipi ga beu khat hing la un achia, tuachi'n ahing la ua, a uilut ma ah abet a ahing dam kiata hi." Tam khu Hezekia a dingin adamna dinga silkibawl mai ahisih a, nanleh kisiena, hasetah a kana leh a innsung kisiemtupna hun zong suoh hi. Tambanga abawl dimdiem zouin Mangpa'n athungetna apompieh ta a,

adamkum kum 15 abelapsah nalai a, a innsungmite leh akhopi u'khu agalte uh khut apat ahundam hi. Nanleh tambangte zousie khu theipi ga beukhat amuzou apat hing um ahi hi. Tunin theipi khun ihinkhuo uh siemphat ngai ahidan leh I innsungmite zong siemphat ngai ahidan hing zilsah hilou amah? Tunin iMangpa deidan bangtah a hinkhuo zahkhah louzieh a natna nei, damtheilou banga Hagau hinkhuo kipah theilou bangza I um kha ding uoi? Hezekia bangin Mangpa nai ulei gahoi-gapha leh Hagau damna Mangpa'n hing guon ding hi.

Theipi ga khu atui mama hi: Theipi ga min masate khu tuol ah kelou in, anetute kamsung ah kelutzaw akichi hi. Nahum 3: 12 ah khun, "Na kulpi zousie theipi ga min masa, theipi kung abang ding ua, akinuh chiengin, anete kamsung ah akesuh ding hi," chin kigiel hi. Egypt gam apat Israelmite puikhiet ahilai un gamdai mun ah theipi nekha nawnlou ahizieh un aphunnawi den ta uhi. Kisimnabu/Numbers 20: 5 akhun Mosi akinielpi ua tambangin gen uhi, "Bang dinga tam mun hoilou a puilut dinga Egypt gam a kipat a nang pawtsah ahiei? Bu leh balte, theipite, grepte, kawlbuteite umlouna mun ahi a,

tui dawnding mawngmawng lah a um sih a," chin Mosi akinielpi uhi. Tammi Laisiengthou chang akhun grepte akigen masangin theipite kiminlaw masa a, tualeh kawlbuteite/pomegranates te kigenzawm pan hi. Vaihawmte/Judges 9: 7-15 akhun nikhat sing/tree zousien vaihawmtu ding teelna nei ana sawm ua, tuanah theipi kung kungah nang khu koute lamkaitu dingin hing pangin chin ana zawl uhi. Nanleh theipi kung khun tuobang a sing dangteng tunga vaihawm ding ana utsih a, ama a ga tuitah umkhu gasah zelding ana nuom zaw hi. Vaihawmte 9: 11 khun, "Hinanleh theipi singin akung uah, ka humna leh ka ga hoite tawpsan in singte tungah lelam lelam ah ka kiloh koi ding amah?" achi hi. Theipi kung tungtawn ah eite zong Mangpa'n mawpuohna ahingpiehna munmun uah ginumtah a gahoi-ga pha suongding ihidan uh poimaw hi. Tuaziehin gaa humtah leh tuitah neitheidi dingin imanphatna uh zuohmang sih va ui.

Nikhat iMangpa Jesu khu agil kiel laitah in theipi ga nehding aut mama hi. Nanleh khum theipi phung in ga suonglou ahiziehin samsie a, "Nangma apat ga mawngmawng piengnawn sih hen," chi hi. Tuanah theipi kung

khu thakhat in ashi ta hi. Chizat huoi sil hilou amah! Lamkai ding nuomlou a, gatouzel ding thanuom theipi kung ashi mai ding khu! Eite hinkhuo ah zong Mangpa'n igingtu hinkhuo ua pah ding leh ga ngeidinga ahing lamet lai a ga hoi/gapha nehthei ding ipiengsah lou u'leh Pasion thukhenna khautah tuoh ding ihi mai uhi.

Khantanhoi Luk akhun kum thum vingveng ga suonglou theipi kung khu ahing ga khahleh chi deina toh hun belap sah a um ahidan gen hi. Luk 13: 7 ah, "Tuachi'n aman huon kempa kungah, Envawi kum thum sung tami theipi kungah aga ka va sui zel a, khat zong ka mu sih hi, phua mai in, bangdinga munteng dep a um ahiei?" achi hi. Nanleh huon kempa'n akungah, "Pu aw, tukum sung zong hichiin um sah tadi in, akimkot in lei tou phot vangin bawng eeh in ka phungvua tadi ding hi; ahing ga tahleh ahoi dinga, hinanleh ahing ga taah sih leh na phua na ding hi," achi hi.

Tuni'n eite hinkhuo tunga thunei tu iPasion mitmu ah Hagau hinkhuo a ga neilou gingtu ihi u'leh hun amawh a sumangthai maimai te ihigiep uhi. Ihinkhuo uh hun tomnou sunga dia belap pieh a iumna u'khu ga hoi-ga pha ineithei khah u'leh chia iMangpa

lungsietna tang mai-mai ihi bou uhi. Tuazieh in igingtu hinkhuo zahna uah iga ngei ding ukhu sil poimaw tah ahizing hi.

Theipi kung khu lemna, nopna leh khantouna etsahna ahi: Mihingte khu kilemtah leh khangtoutah a a um chieng un Thupilte genna ah "grep leh theipi kung nuoi a umte" chi'n gente hi. 1 Leengte 4: 25 akhun, "Tualeh Solomon damsung tengin Dan akipat Beer-Sheba tandongin Judate leh Israelte michin ama uh grep nuoi leh atheipi nuoi chiet uah bit tahin aum chiet uhi," kichi hi. Mika 4: 4 akhun, "Michin ama uh grepgui nuoi leh atheipi kung, nuoi uah atou hit hiet zawta ding uhi; tualeh koima'n amaute azausah nawn sih ding hi; aziehpén galkapte Mangpa kam in tua thu agen ta hi," chi hi. Tuni'n nang leh kei ziehin I innsungmite. Ta leh naute, pasal leh zi, tehpi-tehpú te'n lungmuonna aneitheí na uoi? Damna, kipahna, lametna tuntu ihi na uoi? chi'n kingaituo u'lei ideí mama uhi.

Theipi kung khun hinkhuo nuom a ensah hi: Joel 1: 12 akhun grep leh theipi ga louna ah kipahna umlou dan gen hi. "Grepquite agaw siengta a, theipi kungte avuoi siengta a, kawlbúthei kungte, tumsingte leh apple

theikungte zong, tualeh loulai a theikung zousie zong avul siengta hi. Mihing tapate lah a kipat lungnopna zousie adaita hi,” chi hi. Jeremiah 8: 4-13 sungah khun nam pumpi atawnkhel chiengun grep leh theipi umlou ahidan gen hi. Jeremiah khun theipi muotte khu galkidouding, kieltungding leh natna tungdingte etsahna ahi chi hi. Jeremiah 29: 17, “Galkapte Mangpa’n tambangin agen hi: Ngai un atung uah namsau leh kiel leh natpi hi, ka sawl dinga, amuot seng tah zieh a, neh theilou khop asie theipite bangin ka bawl ding hi,” chi hi. Eite’n zong tuabanga Pasion thangpaina nikhuote ichepkhah ding uh idei sih uhi. Tuni’n Pasion deibang tah a hinkhuo zanglou a

itawnkhiel chieng un singkung bangin ivuoi ua, innsung ah lungmuonna zousie umnawnlou in gasuonglou leh nehtheilou khop asie theipite bangin hinkhuo izang zaw uhi.

Thukhumsin: Israelte’n Pasion thupiehte azui ua, aman u’leh gatampi suongding ahidan uh theisah a aum bangun eite’n zong gingu hinkhuo izahna u’leh ipanmun chiet uah Jonah banga aguh a hinkhuo in azahkhah nate uh tawpsan a Pasion toh kizopmatna neitha kia a, I hinkhuo chiet uah gatampi ban ah gaa tuitahtah piengsah ding in Mangpa’n simtute guol hingzawl chiet hen.

.....

SUUNNA TUNGA KIPAH THUGENNA

Dated 29th May 2016 (Pasianni) 11:00am vel in ka it mama ka loinu Upanu Phazachiin in ang na muolliem san an tung ah hing na suunpi or thuohpi te leh ka umna Hattuom mai hilou a, Tuiman Hattuom leh khuo mipite leh anai, agamla a, tha leh zung, sum leh pai it lou a itna toh hing kalsuonte kungah keima a pasal in kipah thu ka hing gen hi. Mangpa I Pasion in ka tung ua na hoinate uh leh na kipieh zawmate uh a le tamsem in hing guolzawl chiet taken! Lungdam ing.

Na deisah uh keima,
Upa Kulthang, Singngat (ZPCS)

.....

ZPWF REPORT

26th May- 17th June 2016 sung Tunnu Limbel panpina mimal leh pawl min a pete list :

1. Pa Khamzalian, Aina	Rs. 125
2. Tv. Tunlalpaul, Aina (Football Best Player)	Rs. 100
3. PWF D. Phailian G/T	Rs. 1,910
4. PWF Immanuel G/T	Rs. 1,670
5. Pa Ginminlun, Thingkangphai G/T	Rs. 1,000
6. Evan. Goukhogin, Immanuel G/T	Rs. 100
7. Nu Niangdeikim, Manniang khuo G/T	Rs. 100
8. Nu Dondeiniang, Manniang khuo G/T	Rs. 100
9. Nu Hatniang, Moreh I	Rs. 1,500
10. Pa Nangdoulian, Thingkangphai	Rs. 500
11. Rev. Thangboi Khuongsai, Tuibuang	Rs. 500
12. Pu Kapneithang & Family, Zoveng	Rs. 7,500
13. PWF Zomi Colony	Rs. 6,040
14. PWF Central P. Church	Rs. 11,820
15. Ginminlun, Thingkangphai	Rs. 1,000
16. P. Church Tuibuang G/T	Rs. 5,660
17. P. Church New Zoveng G/T	Rs. 2,740
18. Nu Nuamhoi, Central Church	Rs. 100
19. Nh. Ngaisuanchiin, Central Church	Rs. 300
20. Mrs. Flora Hatnu, UK	Rs. 45,000
21. Nu Dimneiching, Central Church	Rs. 500
22. Miss Deiching, Bangalore	Rs. 1,400
23. PWF Lailamveng Anntang Kg 121	Rs. 200

ZPCS Shillong Hattuumte apat Tunnu Limbel Ginna Thuchiem(2016) list:

1. Upa T. Kaichinpau	Rs. 100
2. Pa T. Mangsuanthang	Rs. 100
3. Pa William Siankhup	Rs. 150
4. T. Thenkhosoi	Rs. 250
5. Pa Khupzalian & Family	Rs. 500
6. Pa Thangsuanlal	Rs. 500
7. Pa Khuphaulian	Rs. 50

8. Nu Manneiching	Rs.	100
9. Nu Dimkhannian	Rs.	250
10. Nu Deizaniang	Rs.	50
11. Nu Momoi	Rs.	100
12. Nu Chichin	Rs.	50
13. Nu Hauching	Rs.	50
14. Nu Nuamboi	Rs.	100
15. Nu Mandeiching	Rs.	200
16. Nu Neinu	Rs.	200
17. Upanu Mannuam	Rs.	100
18. Upanu Donnuam	Rs.	100
19. Tv. Lalsuanthang	Rs.	50
20. Tv. L. George	Rs.	50
21. Tv. Mungkhankhual	Rs.	50
22. Joseph Tungdim	Rs.	50
23. Alfred Khupmuanlal	Rs.	200
24. Nh. Hatsianchiin	Rs.	200
25. Nh. Bliss	Rs.	100
26. Nh. Teresa	Rs.	100
27. Nh. Kimboi	Rs.	100
28. Nh. Nianghoilun	Rs.	50
29. Nh. Rebecca (Monthly)	Rs.	100
30. Jolly Das (Monthly)	Rs.	100
Total	Rs.	4,100

ZPWF SEMINAR KHAWMPI 2016 (SUGNU)

tunnu limbel ginna thuchiem list tu-le-tu apete(Sutzopna)

171. Nu Dimneihoi, Daijang	Rs.	50
172. Dimsuanching, O.K veng	Rs.	100
173. Nemngainiang, Sabual	Rs.	50
174. Nu Chingmuanniang, Moreh W/No. 2	Rs.	100
175. Upanu Manglohching	Rs.	100
176. Nengneilam, Sangaikot	Rs.	20
177. Nu Chiinbawi, Central Church	Rs.	100
178. Ginzachin, Central Church	Rs.	100
179. Chiinkhanniang, Tuining	Rs.	20
180. Nemkhokim, V. Bethel	Rs.	10
181. Chinghaunuam, V. Bethel	Rs.	10

2016 | July | Khristian Tangkou

182. Chingsuonniang	Rs.	20
183. Upanu Kangnu, Teisaljang	Rs.	50
184. Niangngaiman	Rs.	20
185. David Kap. Muollum	Rs.	100
186. Nu Vungluanching, Singngat Vengnuam	Rs.	50
187. Nu Chingmuanniang, Sugnu	Rs.	50
188. Nemngaichiin, Bohlui	Rs.	50
189. Nianghoiching, Saiboh	Rs.	20
190. Nu Ngaideiching, New Zoveng	Rs.	50
191. Dimngaivung, Tongdam	Rs.	20
192. Hoihnu, Kanan	Rs.	20
193. Manching, Muollum	Rs.	50
194. Langsuanvung, Lailam Veng	Rs.	50
195. Donngaichiin, Zomi Colony	Rs.	50
196. Suonniang, Muollum	Rs.	50
197. Nu Nuomkhoniang, Zomi Colony	Rs.	500
198. Deinu, Teisaljang	Rs.	100
199. Nu Luonhoiching, Teisaljang	Rs.	100
200. Amureima, Mangjing	Rs.	20
201. Nu Moinu, Zomi Colony	Rs.	50
202. Upanu Ngaizaniang, MEP	Rs.	100
203. Kimneilhing, V. Behtel	Rs.	20
204. Ngailam, Sangaikot	Rs.	10
205. Nu Chingnu, Buolkot	Rs.	50
206. Nu Chiinkhannuam, LDCC Hiangzou	Rs.	20
207. Sianminlian, P. Salem	Rs.	100
208. Pi Man	Rs.	100
209. Ngaichiin, Muollum	Rs.	100
210. Nuomkhanngai, Muollum	Rs.	50
211. Hahat, Muollum	Rs.	50
212. Nu Hatngaiching, Tuining	Rs.	50
213. Nu Niangnuamching, New Zoveng	Rs.	50
214. Nenem, Tangpijol	Rs.	20
215. Nuamzaching, Zomi Colony	Rs.	100
216. Angoubi, Mangjing	Rs.	50
217. Nu Tingzavah, Tuibuang	Rs.	100
218. Nu Chiinneihoi, Sugnu	Rs.	100

Adih loute Office a suhdih theizing ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V. Vungzalan	20. Rev. Retd. Kamkhosoi
21. Rev. Tualzachin	22. Rev. (Rtd.) H. Nengzatun	23. Rev. Awmkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonlian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Gozanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhanueng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholing
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhou	116. Upa Pauchinlel
117. Kimneihoi	118. Pu Kamgenpau	119. Nh. Niangsuannuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanneing	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau		



Presbyterian Church, Awnchinkap Khuo REVIVAL 2016

Undelivered
Please return to:

The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com / zousynod05@gmail.com

7a,

Edited and Published by the Editor on behalf of the Zou Presbyterian Church Synod